

ते हून खबरें दी तफसील कन्नै जगमोहन शर्मा:-

<><><><><><>

VP- KU Convocation

उपराष्ट्रपति सी.पी. राधाकृष्णन जेहड़े कल संजा जम्मू-कश्मीर दे दंडु दिनें दे दौरे पर श्रीनगर पुज्जे हे- अज्ज कश्मीर युनिवर्सिटी दे हजरत बल कैम्पस च 21में दीक्षांत समारोह च बतौर मुख परौहने शिरकत करगंन। कल श्रीनगर ब्हाई अड्डे पुज्जने पर उपराज्यपाल मनोज सिन्हा होरें उंदा सुआगत कीता। मगरा लोक भवन श्रीनगर च उन्दे लेई इक शानदार सांस्कृतिक कार्यक्रम दा सरिस्ता कीता गेदा हा- जेहदे च उ'नें जम्मू-कश्मीर दी समृद्ध सगगोसार संस्कृति गी दर्शादी गीत-संगीत दियां झलकियां दिक्खियां। उपराष्ट्रपति हुंदे दौरे गी लेइयें श्रीनगर शैहर ते एहदे आहले-दोआले दे इलाके च सुरक्षा दे निग्गर बंदोबस्त कीते गेदे न।

<><><><><><>

Jitender IHM News Blocks

केन्द्री मंत्री डाक्टर जितेन्द्र सिंह होरें कल जम्मू दे कनाल रोड स्थित ट्रिपल आई.एम दे नमें बायोलॉजिकल कैमिस्ट्री ते क्वालटी कंट्रोल क्वालटी एशयोरेंस ब्लाकें दा नीह पत्थर रक्खेया। इस मौके सी.एस.आई.आर. दे महानिदेशक एन. कलाएं सेल्वी होर बी मौजूद हे। इस मौके डाक्टर जितेन्द्र सिंह होरें संस्थान दी अनुसंधान दे क्षेत्र च योगदान ते उपलब्धियें दी परम्परा दी सराहना कीती ते आखेया जे अरोमा मिशन ते भंगू पर आधारित प्रोजैक्टें जम्मू-कश्मीर सनें पूरे भारत दा बी मान बधाया ऐ। उनें आखेया कि ट्रिपल आई.एम. जम्मू च कीते जा 'रदे नमें

निर्माण कम्म संस्थान गी बेहतर सुविधाएं कन्नै लैस करियै आधुनिकता बक्खी लेई जाने दी कोशश ऐ जेहड़ा एहदी छमताएं गी होर निग्गर ते बेहतर करोग। उ'नें आखेया.

<><><><><><>

CM – Devp. Projectsx Sgr.

मुख्यमंत्री उमर अब्दुल्ला होरें कल श्रीनगर ते बडगाम जिलें च 190 करोड़ रुपें दी लागत आहलियें ढांचागत विकास ते नदी संरक्षण परियोजनाएं लेई नीह पत्थर रक्खेया। 5 विधानसभा हलके च फैली दियें इनें परियोजनाएं च पर्यावरण संरक्षण- बेहतर नागरिक सेवाएं- जल निकाएं दी दिक्खभाल- गंदे पानी दे निकास सरबंधि परियोजना शामिल न जेहड़ियां इस गल्लै दी तस्दीक करदियां न कि मजूदा सरकार लोकें गी बेहतर सार्वजनिक सेवाएं दे कन्नो-कन्नी सुविधाजनक महौल ते कुदरत दे अनुकूल सुविधा उपलब्ध कराने लेई दृढ़ संकल्प ऐ। इस मौके किट्ठै गी सम्बोधित करदे होई मुख्यमंत्री होरें आखेया जे जम्मू-कश्मीर दे राजधानी आहले दंडु शैहरें श्रीनगर ते जम्मू दे बाहरा औने आहलें सैलानियें पर बड़ा मता असर पाँदा ऐ कीजे बक्ख- बक्ख सैलानी थाहरें दी सैर करने कोला पैहले ओ इत्थै गे पुज्जेदे न ते इस करियै स्हाड़ी एह जिम्मेदारी बनदी ऐ जे इत्थै लाजमी तौरा पर बेहतर सार्वजनिक ते नागरिक सेवा उपलब्ध होन.

<><><><><><>

Animal Husbandry

रामबन दे पशुपालन विभाग नै डेयरी- पोल्टी ते पशुपालन दे राहें ग्रामीण आजीविका गी बढ़ावा देने लेई खास तौर पर महिलायें दे आप-सहायता समूहें आस्तै बशेश प्रोत्साहनें आहली पैहलकदमी रम्भी ऐ। एहदे तैहत आप-सहायता समूहें गी सिखलाई- दोआर-कर्जे कन्नै जुड़ी दियां

रियायतां ते पशु-सखी जनेह मंच तैहत होर दुए लोड़चदा सैहयोग दिता जंदा ऐ। इनें योजनाएं दा मुख मकसद डेयरी- मीट ते फीड त्यार करने आले प्लांटें दा विकास करना ऐ। इस सरबंधे च होर जानकारी देआ करदे न पशुपालन विभाग रामबन दे HADP मैम्बर ज़फर इकबाल .

<><><><><><>

ते हुंन बाकि दिएं खबरें कन्नै विजय बजाज:-

<><><><><><>

Deputy CM Illegal Mining

उपमुखमंत्री सुरिंदर चौधरी होरें जम्मू-कश्मीर च गैर-कन्नूनी तौर पर खान्नां कडडने गी बिंद बी बर्दाश्त नैई करने दी सरकार दी वचनबद्धता गी फही पक्का करदे होई आखेआ जे कन्नूनी दी उल्लंघना करने आलें ते ढिल्ल-मट्ठ बरतने आलें अधिकारियें खलाफ सख्त कार्रवाई कीती जाहग। चौथे तवी पुल दे नेड़े आले इलाकें दा निरीक्षण करदे होई उपमुखमंत्री होरें उत्थे कथित तौर पर कीती जा'रदियें खनन गतिविधियें दा बड़ी गंभीरता कन्नै संज्ञान लैता। उ'नें PWD दे चीफ इंजीनियर होरें गी निर्देश दिता जे ओह इस सरबंधे च औपचारिक शकैत ते FIR बी दर्ज करोआन तां जे कसूरवारें खलाफ सख्त कार्रवाई कीती जाई सकै। मगरा पत्रकारें कन्नै गल्ल करदे होई उपमुखमंत्री होरें आखेआ.

<><><><><><>

Dar –Pesticide Lab

राई-बाई मैहकमे दे मंत्री जावेद अहमद डार हौरें कठुआ च कीड़ेमार दवाइयें दी जांच आली इक आधुनिक लैबारेटरी ते उन्न लेई इक सांझे सुविधा केन्द्र दा उदघाटन कीता। राई-बाई ते करसान कल्याण विभाग आसेया खडेरी गेदी जांच लैबारेटरी लेई नाबाई दी तरफा 4 करोड़ 81 लक्ख 25 जहार रपे दिते गे न ते एहदा मकसद कीड़ेमार दोआइयें दा मय्यार जकीनी बनाना- घटिया किस्मै दे उत्पादें गी बाहर कडना ते सुरक्षित ते साईसी प्रथाएं गी बढ़ावा देना ऐ। उदघाटन समारोह दे बाद मीडिया कन्नै गल्ल करदे होई मंत्री जावेद डार हौरें आखेआ.....(बाईट)

डार हौरें लखनपुर च मच्छियें ते पोल्टरी फीड आले प्लांट ते Rinder pest चैकपोस्ट दा बी निरीक्षण कीता।



Helpline-Iran Returnees

जम्मू-कश्मीर सरकार दे रेजिडेंट कमीशन नै इरान थमां परतोआरदे केन्द्र शारत प्रदेश दे नागरिकें दी मदद लेई अपने हैल्पलाईन नम्बर सक्रिय करी दिते न। एह कारवाई 23 फरवरी 2026 गी तहरान स्थित भारतीय दूतावास आसेया जारी सलाह पर कीती गई ऐ। हर रोज 24 घंटें हैलो जे एंड के सेवा 7303620090 पर उपलब्ध ऐ जिसले जे कंट्रोल रुमे दे नम्बर न-011-24611108 ते 011 -24611210। इनें नम्बरें पर फोन करियै लोड़चदी जानकारी ते सहायता हासल कीती जाई सकदी ऐ।



Ranji Final

रणजी ट्रॉफी दे फाईनल मैच दे कल दुए ध्याड़े जम्मू-कश्मीर दी टीम नै दिने दा खेड्ड मुक्कने धोड़ी 6एं विकेटें पर 527 रन्ज बनाए जेहदे च कप्तान पारस डोगरा दे बड़ी तेजी कन्नै बनाए गेदे 70 रन्ज बी शामिल न। जम्मू-कश्मीर लेई विकेटकीपर बल्लेबाज कन्हैया वाधवान नै महत्वपूर्ण 70 रन्ज ते साहिल लोतरा नै नाबाद 57 रन्ज बनाए न। तौंआई मुखमंत्री उमर अब्दुल्ला हौरें सोशल मीडिया मंच एक्स पर लिक्खेया ऐ जे रणजी ट्रॉफी दा अपना पैहला-पैहला खिताब जितने लेई जम्मू-कश्मीर दी टीम कर्नाटक दे खिलाफ जिस गल्ली दा प्रदर्शन करा करदी ऐ। उसी दिक्खियै ईआं बझोंदा ऐ जे जम्मू-कश्मीर दी टीम इस प्रतिष्ठित घरेलू प्रतियोगिता दे फाईनल मुकाबले आस्तै गै बनी दी ऐ।

<><><><><><>